

MICHAEL J. SHUNDI,
CHUO CHA UFUNDI ARUSHA,
S.L.P 296,
ARUSHA.

Simu: 0657 436863

Barua pepe: michaelshundi81@gmail.com

30/09/2020



MKUU WA CHUO,
CHUO CHA UFUNDI ARUSHA,
S.L.P 296,
ARUSHA.

Ndugu,

YAH: KUHAMISHIA UTUMISHI WANGU DAR ES SALAAM "AU" KUACHA AJIRA/KAZI.

Tafadhali rejea kwa makini somo tajwa hapo juu.

Mimi ni MICHAEL JOSEPH SHUNDI (Check number.: 111070255), mkufunzi msaidizi (assistant lecturer) toka idara ya umeme, chuo cha ufundi Arusha.

Kwa unyenyekevu mkubwa na kwa masikitiko pia, nakuandikia barua hii kukujulisha kuwa nalazimika kuhamishia utumishi wangu DAR ES SALAAM au kama itashindikana itanilazimu kuacha ajira hii; sababu kuu ikiwa ni: kutokana na afya yangu daktari wangu "amenishauri" (tangu mwezi julai) kuhamia na kuishi karibu na ndugu yangu wa karibu SARAH JOEL, S.L.P..., DAR ES SALAAM **[barua ya uthibiti wa ndugu imeambatanishwa]**, na pia daktari wangu amekiandikia barua Chuo cha Ufundi Arusha kama msisitizo wa ushauri huo wa muhimu aliutoa kuhusu afya yangu. **[nakala ya barua toka kwa daktari wangu (ambayo ilikabidhiwa kwa ofisi ya rasilimali watu, Chuo Cha Ufundi Arusha, imeambatanishwa)].**

Aidha, baada ya ushauri huo wa afya toka kwa daktari wangu, binafsi nilichukua hatua ya kutafuta nafasi za kuhamia kwenye taasisi/ofisi za uma mbalimbali (DAR ES SALAAM) ambapo jitihada hizo hadi sasa hazijazaa matunda **[naambatanisha majibu ya barua zangu toka TCAA na TCRA kuonyesha jitihada nilizozifanya kutafuta nafasi za kuhamishia utumishi wangu DAR ES SALAAM]**. Sambamba na hilo, nilishirikisha wadau mbalimbali (KIRAFIKI) kusaidia upatikanaji wa nafasi ya kuhamishia utumishi wangu DAR ES SALAAM. **Miongoni** mwa wadau ambao niliwaomba (kirafiki) kusaidia upatikanaji wa nafasi ya utumishi wa uma (DAR ES SALAAM) ni mkuu wa idara ya umeme, Chuo cha Ufundi Arusha na Peter Simalike (rafiki, ofisi ya msajili, Chuo Cha Ufundi Arusha) kwa **kuwaomba** nga watakaposikia kuwa kuna nafasi kwenye ofisi/taasisi yoyote ya uma (DAR ES SALAAM) basi wanijulishe ambapo hadi sasa juhudi zao pia bado hazijazaa matunda. Si hivyo tu bali, ofisi ya rasilimali watu, Chuo cha Ufundi Arusha nao waliahidi kusaidia juhudi za kutafuta nafasi ya kuhamishia utumishi wangu (DAR ES SALAAM) (maana waliniambia uongozi wa juu wa chuo umeona barua ya ushauri wa daktari wangu kwa hivyo uongozi wa chuo (kwa kuona umuhimu na unyeti wa suala hilo) umewaagiza ofisi ya rasilimali watu kushughulikia suala hilo- alisema Praygod Lameck (mmoja wa maafisa rasilimali watu)), ambapo nao pia jitihada zao hadi sasa hazijazaa matunda (maana nimekuwa nikiulizia mara kwa mara kama wamepata au la).

Hivyo basi, kutokana na ukweli usiopingika kuwa: afya ni suala mtambuka kwa mwanadamu na kipaombele cha kwanza kwa mwanadamu (maana bila afya huwezi fanya kazi), na kutokana ugumu wa mazingira niliyonayo kwa sasa, na kwa kuzingatia tahadhari na ushauri wa daktari wangu, na ili kuepusha madhara zaidi ya afya yangu ambayo ni jambo muhimu sana kwa mwanadamu (**rejea barua ya daktari kwa makini**), nimeamua kuongeza mwezi mmoja (wa Oktoba 2020) wa kukaa mkoa wa Arusha kuona **KAMA** jitihada zetu za kutafuta mahali pa kuhamishia utumishi wangu DAR ES SALAAM zitazaa matunda. Ikumbukwe kuwa, ofisi ya rasilimali watu (ambao wameagizwa na uongozi wa chuo kushughulikia suala hili) niliwaomba kuwa hata ikipatikana shule ya msingi ningekuwa tayari kwenda kufanya kazi, lakini hadi sasa juhudi zao za kutafuta hata shule ya msingi ya uma (DAR ES SALAAM) bado hazijazaa matunda.

Kwa minajiri hiyo basi, itakapofika mwisho wa mwezi Oktoba kama itapatikana nafasi yoyote HATA KAMA NI SHULE YA MSINGI (DAR ES SALAAM) nitaenda kutoa mchango wangu katika ujenzi wa taifa, AIDHA KAMA ITAFIKA MWISHO WA MWEZI OKTOBA NA JITIHADA ZETU (wadau wote tajwa hapo huu) ZA KUPATA NAFASI YA KUHAMIA DAR ES SALAAM (KAMA) ZITAKUWA HAZIJAFANIKIWA BADO, BASI BARUA HII ITAHESABIKA NI NOTISI YA KUACHA KAZI. HII INA MAANA KUWA ITAKAPOFIKA MWISHO WA MWEZI OKTOBA 2020 NA HAIJAPATIKANA NAFASI YA KUHAMIA DAR ES SALAAM, BASI (KWA RIDHAA YANGU PASIPO KULAZIMISHWA NA MTU NA, KWA KUTAMBUA UMUHIMU WA AFYA KWA MWANADAMU, NA KWA KUZINGATIA USHAURI WA KADTARI WANGU) NITAKUWA NIMEACHA KAZI ILI NIHAMIE DAR ES SALAAM kama ambavyo daktari wangu ameshauri.

Ni matumaini yangu kuwa maelezo na dhima ya barua hii yatazingatiwa kwa umuhimu, kwa nia njema, na kwa maslahi yangu, ya familia yangu na ndugu, na pia kwa maslahi ya taifa.

Nashukuru kwa yote.

Wako mtilifu;



MICHAEL J. SHUNDI (PE (T)),
Mkufunzi msaidizi (Assistant Lecturer),
Idara ya Umeme, Chuo Cha Ufundi Arusha.

NAKALA KWA :

- 1- KATIBU MKUU, OFISI YA RAISI-MENEJIMENT YA UTUMISHI WA UMA NA UTAWALA BORA
- 2-KITUO CHA SHERIA NA HAKI ZA BINADAMU (LHRC), P.O.BOX 75254, DAR ES SALAAM
- 3- SARAH JOEL, P.O.BOX...DAR ES SALAAM, simu: 0716248789, EMAIL: ssarahb@yahoo.com (NDUGU WA KARIBU)
- 4- ELIUD E. MCHOME, P.O. BOX...ARUSHA, simu: 0659769000, EMAIL: ellymchome99@gmail.com (RAFIKI WA KARIBU)
- 5-MAKTABA YANGU (MICHAEL J. SHUNDI), KWA KUMBUKUMBU NA KWA MATUMIZI YATAKAYOBIDI